

«Қазақстан Халық Банкі» АҚ
Басқармасы сырттай отырысының
2019 жылғы 18 шілдедегі № 815
Хаттамасына 8-қосымша

«Қазақстан Халық Банкі» АҚ
Басқармасы сырттай отырысының
2011 жылғы 08 шілдедегі № 351
хаттамасына
8-қосымша

Кредит желісін беру туралы келісімнің стандартты талаптары (Қосылу шарты)

Осы стандартты талаптарды (бұдан әрі – Қосылу шарты) «Қазақстан Халық Банкі» АҚ (бұдан әрі - Банк) кредит желісін беру туралы келісімді бекіту кезінде пайдалану үшін Қазақстан Республикасы Азаматтық Кодексінің 388-бабында көзделген тәртіпте әзірленген және корпоративтік бизнес субъектілеріне кредит беру бағдарламалары бойынша Келісімнің стандартты талаптарын анықтайды.

Стандартты талаптар пайдаланылатын Келісім Банк пен заемшы (бұдан әрі - Заемшы) арасында жеке кредит желісін беру туралы келісімге (қосылу туралы өтініш) (бұдан әрі - Жеке Келісім) қол қою арқылы бекітіледі.

Жеке Келісім және Қосылу шарты бір бірінің ажыратылмас бөлігі болып табылады және бұдан әрі бірлесіп Келісім деп аталады.

Егер Келісімде өзгесі көзделмеген болса, Келісімге қосарлы заемшы (бұдан әрі – Қосарлы заемшы) қатысқан жағдайда:

- 1) Келісімнің Заемшыға қатысты талаптары Қосарлы заемшыға да тең қолданылады;
- 2) Келісім мәтініндегі Заемшы мен Қосарлы заемшы Заемшы деп аталады.

1-бап. Келісімнің жалпы талаптары

1.1. Банк Заемшыға Кредит желісін ашады және оның шеңберінде Заемшыға Құралдар береді. Кредит желісінің түрі (жаңғыртылатын/жаңғыртылмайтын), Құралдар түрлері Жеке Келісімде анықталады.

Келісімді бекіту күні мен орны, оның нөмірі, Банк пен Заемшының (бұдан әрі бірге – Тараптар, ал жекелей – Тарап) деректері, мақсаты, сомасы, валютасы Жеке Келісімде анықталады.

Кредит желісі бойынша Лимитті есепке алу үшін берілген Құралдар сомасы Лимит валютасымен Операция жүргізілетін күні Банкте белгіленетін бағам бойынша тіркеледі, бұл ретте Қолжетімді Қаржы мөлшері Операция жүргізілетін күні ағымдағы бағаммен есептеледі және валюта бағамының әрбір өзгеру ретіне қарай Банк оған Лимит шегінде түзету жасап отырады.

Кредит желісінің мерзімі Жеке Келісімде анықталады. Құралды пайдалану мерзімі Құрал сомасы Заемшының банктік шотына аударылған күннен басталады және осы Құрал бойынша Берешек сомасының барлығы Банк пайдасына оның шотына түскен күні аяқталады және бұл күндер жекелеген Қосымша шартта анықталады.

Банктің бенефициардың пайдасына шығарған банктік кепілдігінің әрекет ету мерзімі Банктің уәкілетті тұлғаларының банктік кепілдікке қол қойған күнінен басталады және Банк акцептісі бар Заемшының өтінім-офертасы/Қосымша шарт пен банктік кепілдікте көрсетілген, Заемшының келісімшарт/конкурс/тендер бойынша бенефициардың алдындағы міндеттемелерді толық орындау күнімен /күнтізбелік күнімен аяқталады. Банктік кепілдіктің әрекет ету мерзімі Заемшының келісімшарт/конкурс/тендер бойынша бенефициардың алдындағы міндеттемелерді толық орындау күнімен аяқталатын жағдайда, Банктің банктік кепілдік бойынша міндеттемелері мен Заемшының өтінім-оферта/Қосымша Шарт бойынша міндеттемелері Банк (i) банктік кепілдіктің түпнұсқасын және /немесе (ii) бенефициардың қол қою мен мөрлері (болған жағдайда) үлгілері бар құжатпен

сүйемелденетін (қажет болған жағдайда) бенефициардың Банкті банктік кепілдік бойынша міндеттемелерден босату туралы жазбаша растауын алғаннан кейін орындалған болып есептеледі.

1.2. Құралдарды пайдаланғаны үшін сыйақы мөлшерлемесінің түрі (бұдан әрі - сыйақы), жылдық пайыздарда көрсетілген сыйақы мөлшерлемесінің мөлшері, Келісім бекітілетін күнгі сыйақының салыстырмалы түрде есептелген нақты, жылдық, тиімді мөлшерлемесінің мөлшері (бұдан әрі - ЖТСМ), егер Келісімде сыйақының құбылмалы мөлшерлемесі көзделген болса, сыйақының құбылмалы мөлшерлемесін есептеу тәртібі Жеке Келісімде анықталады.

1.3. Өтеу тәсілі Жеке Келісімде анықталады.

1.4. Өтеу әдісі Жеке Келісімде анықталады.

1.5. Құралдар бойынша берешекті өтеу кезектілігі Жеке Келісімде анықталады.

1.6. Құралды қайтару және (немесе) сыйақы төлеу бойынша міндеттемелерін бұзған жағдайда, Заемшы Банкке тұрақсыздық айыбын төлейді, оны есептеу тәртібі және мөлшері Жеке Келісімде көрсетіледі.

1.7. Құралды, соның ішінде банктік заемды (бұдан әрі сондай-ақ – Заем) беруге және оған қызмет көрсетуге байланысты ұсталуы тиіс комиссиялардың және өзге төлемдердің толық тізімі, сондай-ақ олардың мөлшері Жеке Келісімде көрсетіледі.

Құралдар бойынша берешекті және сыйақыны өтеу тәртібі, кезеңділігі, Келісім бойынша Қамтамасыз ету Жеке Келісімде көрсетіледі.

Заемшы Қамтамасыз етуді ұсынуға, Қамтамасыз ету бойынша ескертулерді жоюға міндетті болатын мерзімді, мұндай ескертулерді беру /жою талаптарын Банк белгілейді немесе Келісімде немесе Заемшы орындауға тиіс болатын Банктің Заемшыға жазбаша хабарламасында белгіленеді.

1.8. Жылжымалы мүлік кепілі туралы шарттар Банк пен кепіл беруші арасында мұндай шарттарға барлық Тараптардың қол қою қажеттілігінсіз жасалатын болады. Кепіл беруші болып табылмайтын Заемшы кепіл туралы шарттардың талаптарын келісуге қатыспайды, бірақ осындай шарттардың көшірмелерін олардың талаптарымен танысу мақсатында ұсыну туралы өтінішпен Банкке жүгінуге құқылы. Жылжымалы мүлік кепілі туралы Банк пен кепіл беруші арасында мұндай шарттарға барлық Тараптардың қолы қоюсыз жасалған шарттарды Тараптар тиісті түрде ресімделген, толық заңдық күшке ие және олардың талаптарына сәйкес Тараптар үшін заңдық салдары бар екенін мойындайды.

1.9. Заемшы Келісім бойынша міндеттемелерін орындамаған немесе тиісті орындамаған кезде Банк қабылдайтын шаралар, Жеке Келісімде анықталады.

1.10. Келісімнің әрекет ету мерзімі Жеке Келісімде анықталады.

1.11. Келісім талаптарын бұзған жағдайда, Тараптар Қазақстан Республикасының заңнамасына және Жеке Келісімге сәйкес жауапкершілік арқалайды.

1.12. Заемшының Келісім бойынша жауапкершілігі еңсерілмейтін күш жағдайларымен шектелмейді, оларды Тараптар Келісімде тікелей көзделген жағдайларды қоспағанда, Заемшыны жауапкершіліктен босатуға негіз болып танылмайды.

1.13. Егер Құрал шетел валютасында берілген болса, Келісім және (немесе) Қосымша Шарт бойынша тиесілі комиссиялар және тұрақсыздық айыбы Банктің төлем күніндегі есептік бағамымен теңгемен төленеді.

2-бап. Келісімнің өзге талаптары

1. Кредит желісі Заемшыға Келісімге сәйкес ашылатын болады, бұл ретте:

1) банктік заемдар және банктік кепілдіктер түрінде Құралдарды беру Келісімге сәйкес:

Банк Заемшыдан алған жазбаша өтінімге (бұдан әрі – Құралды беру туралы өтінім) сәйкес жасалған Қосымша Шарттың негізінде;

немесе Заемшының тиісті түрде жасалған және қол қойылған, Келісім шеңберінде заемды беру туралы Банк алған өтініші (бұдан әрі – Өтініш) негізінде. Банктің Өтініште көрсетілген талаптар бойынша кезекті заем беру бойынша әрекеті өтініштің акцептісі болады;

немесе Заемшының тиісті түрде жасалып, қол қойылған банктік кепілдік беру туралы шарт бекіту туралы Банк алған өтінім-офертасы (бұдан әрі – Заемшының өтінім-офертасы) және Заемшының банктік кепілдік беру туралы шарт бекітуге өтінім-офертасының Банк акцепті (бұдан әрі – Банк акцепті) негізінде Жеке Келісімге қосымшаға сәйкес нысан бойынша іске асырылады,

Банктік тендерлік кепілдіктер бойынша Заемшының өтінім-офертасында көрсетілген талаптарға сәйкес Банктің банктік тендерлік кепілдіктер шығару бойынша әрекеттері Банк акцепті болып табылатын банктік тендерлік кепілдіктерді қоспағанда, бұл ретте банктік тендерлік кепілдік беру туралы шарт, егер Банк күнтізбелік 10 (он) күн ішінде Заемшының өтінім-офертасының талаптарына сәйкес банктік тендерлік кепілдік шығару бойынша әрекет жасаса, бекітілген болып саналады.

Бұл ретте Банк өз қарауы бойынша Банк акцептін ұсынумен/Банктің банктік тендерлік кепілдікті шығару бойынша іс-әрекеттер жасауымен бас тартуға құқылы.

Келісімнің шеңберінде және талаптары бойынша Қосымша Шарттар олармен Келісім жасалған барлық тұлғалармен жасалмайды, Банкке Қосылу шартының осы бабының 1-тармағында көрсетілген Құрал беруге өтініммен жүгінген Заемшымен немесе Қосарлы заемшымен ғана жасалады.

2) өзге Құралдарды беру, егер Келісімде басқаша көзделмеген болса, Құралды беру туралы өтінім мен тиісті түрде бекітілген Қосымша шарттың негізінде Келісімге сәйкес іске асырылады.

Құралды беру туралы өтінімді /Заемшының өтінім-офертасын Заемшы егер Тараптардың келісімімен, оның ішінде Келісіммен басқасы қарастырылмаған болса, Банк алған жағдайда қайтарып алынбайтын болып табылатын, Құрал берілетін (ұсынылатын) күннен /Банк акцептісінің күніне дейін 1 (бір) Жұмыс күнінен кешіктірмей немесе немесе Транш 10 000 000 (он миллион) АҚШ доллары сомасынан (немесе көрсетілген соманың кез-келген валютадағы баламасы) асатын болса, Құрал берілетін (ұсынылатын) күннен /Банк акцептісі күніне немесе Банктің банктік тендерлік кепілдікті шығару бойынша іс-әрекеттерді жасайтын күніне дейін 2 (екі) Жұмыс күні бұрын жібереді.

2. Құралды пайдаланғаны үшін сыйақыны есептеуге арналған мерзім нақты берілген Құрал сомасына, яғни Заемшы қазіргі уақытта қолданатын сомасына қатысты Құрал берілген күннен кейінгі күннен бастап саналады, бұл ретте аннуитетті өтеу кестесінде жыл 360 күнге тең деп, ал ай 30 күнге тең деп алынады. Негізгі борышты тең үлестермен және нақты есептелген сыйақыны өтеуді көздейтін өтеу кестесінде жыл 360 күнге тең деп саналады да, айлар – Құралды нақты пайдаланған күндер санына байланысты қабылданады.

Тәуекелдер үшін комиссиялық сыйақы банктік кепілдіктің нақты қалдық сомасына және банктік кепілдікті пайдалану күндерінің нақты санына есептеледі; бұл ретте бір жыл 360 күнге тең деп, ал бір ай – банктік кепілдікті нақты пайдаланған күндер санына қарай қабылданады.

3. Заемшы Кредит желісін Лимиттің валютасынан басқа валютада игергенде Банк Операцияны жүргізу күнінде белгілеген бағам Банк Келісімді жасау күнінде белгілеген бағамға қатысты айтарлықтай (25 %-дан артық) өзгерген жағдайда, Банк Заемшының ақша ағындарының осындай өзгеріс болғанда Заемшының Келісім бойынша міндеттемелерін орындауға қатысты тұрақтылығын талдау бойынша Банктің уәкілетті органы оң қорытынды бергенге дейін Заемшыны қаржыландыруды тоқтатуға құқылы.

4. Банктің алдын ала жазбаша келісімінсіз Заемшы Келісім бойынша (кез келген Қосымша Шарт бойынша) үшінші тұлғаларға өз құқықтары мен міндеттерін беруге құқығы жоқ.

5. Өтініште көзделген талаптарды өзгерту Өтініште және Келісімде қарастырылған жағдайларды қоспағанда, Банктің қосымша Өтініш алуы арқылы іске асырылады. Өтініш талаптарын өзгерту Заемшы тиісті комиссиялар мен сыйақыларды Банк тарифтеріне сәйкес төлеген жағдайда ғана, сондай-ақ Банктің уәкілетті органының шешімі бойынша өзге талаптарды орындау қажет болғанда және қажетті құжаттардың барлығы алынған кезде іске асырылады.

6. Банк Бенефициардың талабын (бұдан әрі – Талап) алған кезде Банк Заемшыға Талаптың түскені туралы хабарлама жібереді. Заемшы Банк Заемшының атына хабарлама жіберген күннен бастап 2 (екі) Жұмыс күні ішінде, бірақ Талапты төлеу күнінен кешіктірмей, Банктің алуы және бенефициардың пайдасына төлем жүргізу мен Банктің комиссиялары, сыйақылары мен шығындары бойынша Заемшының Берешегін өтеу үшін Үлгі Келісімде көрсетілген өзінің банктік шотында, Келісіммен, Банк акцептісі бар Заемшының өтінім-офертасымен/Қосымша шарттармен/Банк тарифтерімен қарастырылған Банктің комиссияларын, сыйақылар мен шығындарын ескере отырып Талап сомасын толық көлемде қамтамасыз ету арқылы Талапты қанағаттандыруға міндетті.

7. Банк банктік тендерлік кепілдікті беріп, Заемшы Талапты қанағаттандырмаған немесе толық көлемде қанағаттандырмаған жағдайда, Банк ақша сомасын Талапқа сәйкес өз қаржысы

есебінен бенефициардың пайдасына аударады. Заемшы 3 (үш) Жұмыс күні ішінде Банктің Талап бойынша төлеген сомасының барлығын, сондай-ақ Банк шеккен шығындардың барлығын, Келісіммен/Банк акцептісімен Заемшының өтінім-офертасымен, Қосымша шартпен /Банк тарифтерімен қарастырылған комиссиялар мен сыйақыны Банкке өтеуге немесе сол мерзімде Қазақстан Республикасы Азаматтық кодексінің 725-бабына сәйкес Банктің талаптарында Банкпен банктік заем шартын бекітуге міндетті.

Бұл ретте Банк Талапты орындаған сәттен бастап және банктік заем шартын бекіту /қол қою сәтіне дейін есептелген, банктік заем шарты бойынша заемды пайдаланғаны үшін сыйақыны Заемшы банктік заем шартын бекіту /қол қою күні Банктің тиісті соманы Заемшының банктік шоттарынан акцептсіз алу арқылы төлейді. Заемшы банктік заем шартын Қосылу шартының осы тармағына сәйкес бекітуден бас тартқан жағдайда, Банк Келісімнің талаптарына, оның ішінде Қосылу шартының 6-бабы 2-тармағының 10) және 11) тармақшаларына сәйкес бенефициардың алдында банктік кепілдік бойынша Банк орындаған міндеттеменің, сондай-ақ Банк шеккен шығындардың барлығын, Келісіммен/Банк акцептісі бар Заемшының өтінім-офертасымен/Қосымша шартпен/Банк тарифтерімен қарастырылған комиссиялар мен сыйақылар көлемінде Заемшыға талап ету құқығын пайдалануға құқылы.

Банк банктік тендерлік кепілдікті қоспағанда, банктік кепілдікті берген жағдайда, және Заемшы өзінің банктік шотында Талап сомасының болуын Қосылу шартының осы бабының 7-тармағында қарастырылған тәртіпте толық көлемде қамтамасыз етпеген жағдайда, Заемшының Банк алдындағы міндеттемесі қысқа мерзімді заемды Талап сомасына Келісіммен, Банк акцепті бар Заемшының өтінім-офертасымен/Қосымша Шартпен қарастырылған талаптарда қайтару бойынша міндеттеме ретінде болып табылады және есептеледі.

8. Банктің бенефициар алдындағы міндеттемелері банктік кепілдік сомасын төлеумен шектеледі және мұндай төлем бірнеше төлемдермен немесе біржолғы, ішінара немесе толық іске асырылатынына қарамастан.

9. Посттендерлік банктік кепілдіктер мемлекеттік сатып алу шеңберінде шығарылған жағдайда, және бұл ретте банктік кепілдіктер сомасына келісімшарттың орындалуын қамтамасыз ету сомасы, аванс сомасы мен демпингке қарсы шаралар қолдану бойынша қамтамасыз ету сомасы кіретін болса, Банк Талап ұсынуға әкеп соқтырған жағдайдың туындауына қарамастан, Талаптың барлық сомасын төлеуді іске асырады.

10. Заемшының өтінім-офертасын Банктің алуы және Банк акцептісін Банктің беруі (оның ішінде банктік кепілдік сомасының мөлшері, банктік кепілдіктің әрекет ету мерзімі бойынша және т.б.) арқылы бекітілген банктік кепілдік беру туралы шарттың талаптарын өзгерту Заемшының өтінім-офертасымен, Банк акцептісі мен Келісіммен қарастырылған жағдайларды қоспағанда, Заемшының қосымша өтінім-офертасын Банктің алуы және Банктің оған Банктің жазбаша акцептісін немесе банктік тендерлік кепілдікке қосымша парақ шығару бойынша Банктің әрекет жасауы түрінде Банк акцептісін беруі, сондай-ақ қажет болған жағдайда, Банктің банктік кепілдікке қосымша парақтар шығаруы арқылы іске асырылады. Банктік кепілдіктің талаптарын өзгерту Заемшы тиісті комиссиялар мен сыйақыларды Банк тарифтеріне сәйкес төлеген жағдайда ғана, сондай-ақ Банктің уәкілетті органының шешімі бойынша қажет болғанда және қажетті құжаттардың барлығы алынған кезде іске асырылады.

Тиісті Қосымша Шарт бекіту арқылы банктік кепілдік беру туралы шарт бекіткен жағдайда, Қосымша Шарт талаптарын өзгерту Тараптардың Қосымша Шартқа қосымша келісім бекіту жолымен іске асырылады.

11. Келісім шеңберінде ұсынылатын банктік кепілдіктер сөзсіз болып табылады, бұл Банктің бенефициардың бірінші талап етуімен орындалуы тиіс дегенді білдіреді. Банк ұсынған банктік кепілдікке байланысты, Банктің бенефициардың талабын орындау барысында Заемшыда туындауы мүмкін наразылықтардың барлығын Заемшы тікелей бенефициардың атына жолдайды.

12. Банк Келісім және Қосымша шарттар бойынша құқықты (талап етуді) үшінші тұлғаға беру кезінде Қазақстан Республикасының заңнамасымен Келісім және Қосымша шарттар шеңберінде Банктің Заемшымен өзара қарым-қатынастарына қатысты қойылатын талаптар мен шектеулер Заемшының құқық (талап ету) берілген үшінші тұлғамен құқықтық қатынастарына қолданылады.

13. Заемшы жоба бойынша ескертулерді жою бойынша мерзімді, осындай

ұсынудың/ескертулерді жоюдың талаптарын қоса, бірақ мұнымен шектелмей, мәліметтерді, құжаттарды Банкке ұсынуы тиіс мерзімді Банк белгілейді және Заемшыға Жеке Келісімнің ажыратылмас бөлігі болып табылатын және Заемшы сөзсіз орындауы тиіс жабаша хабарлама жолдау арқылы хабарлайды.

3-бап. Кредит берудің жекелеген талаптарын өзгерту

Банк «Қазақстан Республикасындағы банктер және банк қызметі туралы» заңның 34-бабының 3-тармағында көзделген Заемшы үшін жақсарту жағдайларында, оларды біржақты тәртіппен Келісім талаптарын өзгертуге құқылы.

Банк Келісім бойынша жақсарту талаптарын қолданған жағдайда, Банк Заемшыны Келісім бойынша жақсарту талаптарын қолдану туралы Келісімнің 7-бабының 2-тармағында тармақшасында көрсетілген әдістердің бірі арқылы олардың болжалды күшіне енуіне дейін күнтізбелік 14 (он төрт) күннен кешіктірмей хабардар етеді.

Егер Банк көрсетілген мерзімде Заемшыдан Келісім бойынша Банк ұсынған жақсартатын талаптардан жазбаша бас тартуды алмаса, оларды Заемшы қабылдаған болып саналады.

Бұл ретте Заемшыдан немесе Қосарлы заемшыдан/Қосарлы заемшылардың кез келгенінен жазбаша бас тартуды алған жағдайда, мұндай талаптарды Заемшы да, Қосарлы заемшы да/барлық Қосарлы заемшылар да қабылдамаған деп саналады.

4-бап. Қаржыландыруды мерзімінен бұрын қайтару, бас тарту және тоқтата тұру

1. Заемшының мына жағдайларда Банкке Қосымша шарт бойынша Құралдар сомасын (толық немесе ішінара) мерзімінен бұрын қайтаруға құқығы бар:

1) Жеке Келісімде белгіленген талаптарды орындағанда;

2) Банк басқасын белгілеген болмаса, олар аяқталғанда Банк тұрақсыздық айыбын немесе айыппұл санкцияларының басқа түрлерін өндіруге құқығы жоқ, Қолданылатын құқықта белгіленген мерзімдерді қоспағанда, Банкке алдын ала жазбаша хабарлағанда.

Бұл ретте Заемшы Құрал сомасын мерзімінен бұрын қайтарудың болжанған күніне дейін кемінде 20 (жиырма) Жұмыс күні бұрын Банкке Қосылу шартының 7-бабының 3-тармағында көзделген тәсілмен хабарлайды;

2. Заемшы, егер Тараптар өзге мерзімді белгілемесе, мерзімінен бұрын төлем жасалатын күннен бұрын 3 (үш) Жұмыс күнінен кешіктірмей, Банкті мұндай төлем жасау туралы хабардар ете отырып, кез келген Қосымша шарт бойынша Банкке тиесілі сыйақы сомасының барлығын мерзімінен бұрын төлеуге құқылы.

Негізгі борышты қайтару бойынша Берешекті мерзімінен бұрын ішінара өтеген кезде ең бірінші төленетін төлемнің мөлшері ғана өзгертілетін негізгі борышты тең үлестермен өтейтін Төлемдер кестесі үшін Заемшы кесте бойынша ең алдындағы бірінші төлемді азайта отырып ішінара мерзімінен бұрын өтеуге жазбаша өтініш берген кезде немесе Банкпен келісілген өзге тәсілмен, Төлемдер кестесіне өзгерту енгізу талап етілмейді.

4. Банк кез келген уақытта Заемшының Келісім негізінде барлық ұсынылған Құралдар бойынша барлық берешегін мерзімінен бұрын қайтаруды талап етуге құқылы. Бұл үшін Банк Заемшыға мұндай өтеу күніне дейін 10 (он) айдан ерте емес уақытта талап жібереді. Заемшы Келісім негізінде ұсынылған Құралдар бойынша өз берешегін Банк талабында көрсетілген мерзімінен бұрын өтеу күніне дейін бір жолғы төлеммен немесе ішінара өтейді. Құрал сомасын мұндай мерзімінен бұрын қайтарғаны үшін тұрақсыздық айыбы алынбайды.

5. Заемшы Қосылу шартының осы бабының 4-тармағына сай Банк талабын алған кезде Заемшы Банкке Келісімде көрсетілген және жылдығы 1% (бір пайызға) азайтылған сыйақы мөлшерлемесі бойынша сыйақы төлейді. Заемшы бұл сыйақыны Банк талабында көрсетілген күннен бастап талапта көрсетілген Келісім бойынша барлық берешекті өтеу сәтіне дейінгі кезең аралығында төлейді.

6. Банк:

төменде берілген негіздемелердің кез келгені орын алғанда:

1) Заемшы Келісім бойынша және (немесе) Қосымша Шарт бойынша міндеттемелерді орындауды мерзімінен кешіктіргенде;

2) Құрал Сомасын қайтару бойынша міндеттемелердің орындалуының тиісті түрде

ресімделген қамтамасыз етуі ұсынылмағанда;

3) Қамтамасыз етуді ұсынған тұлға Қамтамасыз ету шарты бойынша өзінің міндеттемелерінің бұзылуына жол бергенде;

4) Заемшының немесе Кепіл берушінің мүлкіне үшінші тұлғалар тыйым салғанда, иелік етуге шектеу қойғанда немесе өндіріп алу қолданылғанда;

5) қамтамасыз ету жоғалғанда, жарамсыз болып шыққанда және Заемшы орнына Банк талаптарын қанағаттандыратын өзге қамтамасыз ету ұсынулуын қамтамасыз етпегенде;

6) Заемшы Келісім және/немесе Қосымша Шарттар бойынша Заемшының жиынтық берешегінің 5 % (бес пайызын) және одан артық пайызын құрайтын сомаға талап қойылған сот процесіне жауапкер ретінде тартылғанда;

7) Қамтамасыз етуді ұсынған тұлғаның кепіл мәніне кепіл берушінің меншік құқығын даулау туралы сот процесіне тартылғанда;

8) Құралды ұсыну Заемшымен байланысты борышкерлердің тобы бойынша бір заемшыға тәуекелдің мөлшері бойынша заңнама бекіткен шектеудің ең үлкен мөлшерінен асуға әкеліп соққанда;

9) Заемшы өз қаржылық жағдайына қатысты шынайы емес мәліметтерді ұсынғанда;

10) уәкілетті органның нормативтік құқықтық акті талаптарына және қаржылық есептіліктің халықаралық стандарттарына сәйкес келетін Банктің ішкі кредиттік саясатына сай Банк жүргізетін мониторинг нәтижелері бойынша анықталған Заемшының қаржылық жағдайы нашарлағанда;

11) үшінші тұлға Заемшыны немесе Кепіл берушіні банкрот деп тану туралы талап ұсынылғанда немесе сот шешімі бойынша банкроттық немесе оңалту барысында қолданылатын кез келген рәсім енгізілгенде;

12) Келісімді және (немесе) Қамтамасыз ету туралы шартты толығымен немесе бөлігінде жарамсыз және (немесе) бекітілмеген деп тану туралы немесе талап арыз ұсынылғанда және немесе даулағанда немесе көрсетілген жағдайлардың пайда болу қаупі бар болғанда;

13) Заемшымен үлестес (байланысты) үшінші тұлғалар Банк алдындағы міндеттемелердің ең болмаса біреуін бұзғанда;

14) Заемды ұсыну мұндай бұзушылық Банктің пруденциалдық нормативтерді сақтау туралы талаптарды қоса, Қолданылатын құқықты бұзуына себеп болғанда, мұндай бұзышылық ықтималы сақталатын кезеңде;

15) Заемшы Келісімнің немесе Банкпен жасалған басқа шарттың өзге талаптарының (соның ішінде Келісім бойынша ковенант ережелерін бұзғанда) бұзылуына жол бергенде;

уақыт өте жоғарыда аталған оқиғаларға, Шарт бойынша міндеттемелердің, соның ішінде Шарт бойынша ковенанттардың және Банкпен жасалған басқа шарттар бойынша міндеттемелердің орындалмауына және/немесе тиісті түрде орындалмауына әкелуіп соғуы мүмкін оқиғалар пайда болғанда немесе әрекеттер орындалғанда Заемшыға Заем беруден бас тартуға және/немесе есептелген сыйақымен қоса, мерзімінен бұрын қайтаруды талап етуге немесе ары қарай қаржыландыруды тоқтата тұруға құқылы.

7. Заемшы Келісімде көзделген міндеттемелерді бұзған жағдайда:

1) Заемшының Келісім бойынша барлық міндеттемелерін орындау мерзімдері басталды деп танылады және Банк олардың орындалуын талап етуге құқылы;

2) Банк Қамтамасыз етуден, сондай-ақ Заемшының кез келген өзге мүлкінен өндіріп алуды қолдануыға құқылы.

8. Қосылу шартының осы бабының 6-тармағының 1), 3), 7) және 12) тармақшаларында көрсетілген жағдайларда, Банк өз қарауы бойынша Қосылу шартының осы бабының 7-тармағында көрсетілген құқықты пайдалануға немесе Заемшыдан Қамтамасыз ету мәнін қалпына келтіруді (ол қолданылатын жағдайда) немесе немесе Қамтамасыз етуді ауыртпалық салынбаған, тең бағалы және өтімділікті басқа Қамтамасыз етумен алмастыру немесе Банк келісетін қосымша Қамтамасыз етуді ұсынуды талап етуге құқылы.

5-бап. Қаржы ақпараты

Заемшы Банкке:

1) жылдық қаржы есептілігін, егер Қолданылатын құқықта өзге мерзім анықталмаса, әр қаржы жылы аяқталған күннен бастап күнтізбелік 90 (тоқсан) күннен кешіктірмей ұсынуға

міндеттенеді;

2) тоқсан сайынғы қаржы есептілігін, оның ішінде шоғырландырылған қаржы есептілігін, егер Банк қаржы есептілігінің өзге кезеңділігін немесе оны берудің өзге мерзімін анықтамаса, мұндай тоқсан аяқталған күннен бастап 20 (жиырма) жұмыс күнінен кешіктірмей ұсынуға міндеттенеді;

3) Банктің талап етуімен – Банк Келісім шеңберінде және Қолданылатын құқыққа сәйкес сұратуы мүмкін, оның ішінде Банк анықтаған күнге және нысан бойынша тәуелсіз аудитор растаған қаржы есептілігін және басқа ақпаратты ұсынуға міндеттенеді. Заемшы Келісім бойынша міндеттемелерін орындамаған және/немесе тиісті түрде орындамаған жағдайда, Банк жүргізу шығынын Заемшы көтеретін, өз бетінше аудит жүргізуді тағайындауға құқылы;

4) Банк анықтаған кезеңділікпен және Банк талабымен кез келген басқа уақытта Заемшының бюджет алдында берешегінің бары/жоғы жөнінде құжатты ұсынуға міндеттенеді.

6-бап. Тараптардың құқықтары мен міндеттері. Банкке арналған шектеулер

1. Заемшы:

1) егер негізгі борышты және (немесе) сыйақы төлеу күні демалыс немесе мерекелік күнге сәйкес келетін болса, тұрақсыздық айыбын және айыппұл санкцияларының өзге түрлерін төлеместен, оны келесі жұмыс күні төлеуге. Бұл ретте сыйақы төлем күні орын алған Құралды нақты пайдаланған күнге байланысты төленеді;

2) Келісім және Қосымша шарт бойынша берешек сомасын өтеу ретінде шотқа түсіп отыратын ақша түсімін ажыратып бөлу (негізгі борышқа, сыйақыға, комиссияға, тұрақсыздық айыбына және өзге де айыппұл санкцияларына, сондай-ақ басқа да төленуге тиіс сомаларға ажырату) туралы ақпаратты өтініш бойынша 3 (үш) жұмыс күнінен аспайтын мерзім ішінде, жазбаша нысанда, айына 1 (бір) реттен асырмай, ақысыз алуға;

3) Келісім және Қосымша шарт бойынша берілген ақшаны ішінара немесе толығымен қайтару туралы Банкке берілетін өтінішке сәйкес – 3 (үш) жұмыс күнінен аспайтын мерзімде негізгі борышқа, сыйақыға, комиссияға, тұрақсыздық айыбына, айыппұлдар мен өзге де айыппұл санкцияларына, сондай-ақ басқа да төленуге тиіс сомаларға бөлінген, қайтарылуға тиіс ақша сомасының мөлшері туралы жазбаша, ақысыз мәлімет алуға;

4) Үлгі Келісімде және Қосылу шартының 4-бабының 1-тармағында көрсетілген талаптарға сәйкес, бірақ кез келген жағдайда 1 (бір) жылға дейінгі мерзімге берілген Құралды алған күннен 6 (алты) ай өткеннен кейін, 1 (бір) жылдан жоғары мерзімге берілген Құралды алған күннен 1 (бір) жыл өткеннен кейін мерзімінен бұрын өтеу үшін тұрақсыздық айыбын немесе айыппұл санкцияларының өзге де түрлерін төлеместен, Құралдар бойынша Берешекті ішінара немесе толық көлемде мерзімінен бұрын өтеуге;

Осы тармақтың 3) тармақшасының және осы тармақшаның бірінші абзацының ережелері Қосымша шартты бекіткен күннен бастап күнтізбелік 14 (он төрт) күн өткеннен кейін негізгі борышты мерзімінен бұрын қайтару жағдайларына таралады және Банк заемды мерзімінен бұрын қайтаруға келіскен жағдайларда қолданылады.

5) Банктің Келісім және (немесе) Қосымша Шарт талаптарын Заемшы үшін жақсарту жағына қарай өзгерту туралы жазбаша хабарламасын алған күннен бастап күнтізбелік 14 (он төрт) күн ішінде Банк ұсынған жақсарту талаптарынан бас тартуға;

6) пайдаланылатын қызмет түрлері бойынша даулы жағдайлар туындаған кезде Банкке жазбаша өтініш беруге және «Жеке және заңды тұлғалардың өтініштерін қарау туралы» Қазақстан Республикасының 2007 жылғы 12 қаңтардағы заңының 8-бабында белгіленген мерзімдерде жауап алуға **құқылы.**

2. Банктің:

1) Заемшы Келісім бойынша міндеттемелерін бұзған жағдайда, Келісімде және (немесе) Қосымша Шарттарда көзделген тәсілмен Заемшыға талап жолдап, немесе өзге әрекеттерді орындап: Қолжетімді Қаражат сомаларын жойылған деп жариялауға және (немесе);

Заемшыдан барлық Құралдар мен Берешекті, сондай-ақ Банк алдындағы кез келген басқа міндеттемелер бойынша орындау сомаларын 2 (екі) Жұмыс күні ішінде жиынтық соманы бір жолғы төлеммен қайтаруды талап етуге;

ұсынылған Қамтамасыз етуден (кез келгенінен) өндіріп алуды қолдануға немесе

Қолданылатын құқықта белгіленген тәртіпте Қамтамасыз етуге қатысты қолданылатын өзге құқықтарды қолдануға және (немесе);

Қазақстан Республикасының заңнамасында және (немесе) Келісімде және (немесе) Қосымша Келісімде көзделген өзге шараларды қолдануға;

2) Заемның нысаналы мақсатына сай қолданылуын тексеруге;

Кепіл берушінің тиісті кепіл туралы шарт (Қамтамасыз ету шарты) бойынша Банктің кепіл мәні болуын және түгелдігін тексеру құқығын орындау мәселесінде жол бермеген жағдайда, Банкке кепіл мәніне қатысты тиісті құжаттарды және ақпаратты ұсынбаған жағдайда, Заемшыдан Келісім бойынша міндеттемелерді мерзімінен бұрын орындауды талап ету, егер бұл талап қанағаттандырылмайтын болса, кепіл мәнінен өндіріп алуды қолдану;

3) Заемшы Құралдың кезекті бөлігін қайтару және (немесе) сыйақы төлеу мерзімін күнтізбелік 40 (қырық) күннен аса уақытқа бұзған жағдайда, Құралды мерзімінен бұрын қайтаруды және сыйақы төлеуді талап етуге;

4) Заемшыда бір уақытта бірнеше банктік заем шарттары және/немесе кредит желісін беру туралы келісімдері бойынша мерзімі өткен берешектері болған кезде, берешекті Банк өз бетінше анықтаған тәртіпте өтеуге;

5) Заемшы Келісім және (немесе) Қосымша шарт талаптарына сай сыйақы төлеу міндеттемесін бұзған жағдайда, сыйақыны, көтеріңкі сыйақыны және басқа айыппұл санкцияларын есептеуді тоқтатуға;

6) Заемшыдан оларды қамтамасыз ету үшін банктік кепілдік шығарылған келісімшарт/конкурс/тендер талаптарын орындауға қатысты ақпарат пен құжаттарды талап етуге;

7) Қазақстан Республикасының «Қазақстан Республикасындағы банктер және банк қызметі туралы» заңында көрсетілген тұлғаларға, соның ішінде коллекторлық агенттіктерге, Заемшының қандай да бір келісімінсіз Келісім және Қосымша Шарттар бойынша өз құқықтарын беруге және міндеттемелерін тапсыруға;

8) шетелдік валютадағы берешекті өтеу үшін Заемшының банктік шоттарынан Банк ақшаны теңгемен алып алған жағдайда, сондай-ақ шетелдік валютадағы берешекті өтеу үшін Заемшы Банкке ақшаны теңгемен аударған жағдайда, сондай ақшаны шетелдік валютаға айырбастауды Банк белгілеген шетелдік валютаны сатудың ағымдағы бағамы бойынша, тиісті операцияны жасаған сәтте Банктің қолданыстағы тарифтеріне сәйкес сондай айырбастауды жүргізгені үшін комиссиялар сомаларын Заемшыдан өндіріп алып, жүргізуге;

9) оған банктік кепілдікті өтеуге қысқа мерзімдік банктік заем сомасы аударылған, оны бенефициардың шотына аударуға дейін, Заемшының банктік шотын бұғаттауға (сондай шот бойынша шығыс операцияларын уақытша тоқтатуға);

10) Банк Қазақстан Республикасының заңнамасына, Банктің акцепті бар Заемшының өтінім-офертасына/Қосымша шартқа, банктік кепілдікке және Келісімге сәйкес банктік кепілдік бойынша бенефициардың пайдасына орындаған міндеттеме, сондай-ақ Банк көтерген барлық шығыстардың, комиссиялар мен Келісімде /Банктің акцепті бар Заемшының өтінім-офертасында/Қосымша шартта/Банк тарифтерінде қарастырылған сыйақы мөлшерінде Заемшыға кері талап қоюға;

11) Заемшыдан банктік кепілдіктер бойынша барлық берешек, оның ішінде комиссиялардың, шығыстардың, Келісім шеңберінде шығарылған банктік кепілдіктер бойынша міндеттемелерді Банктің орындауына байланысты көтерген шығындардың, залалдардың, тұрақсыздық айыптарының сомаларын төлеуді талап ету; көрсетілген сомаларды Заемшының кез келген банктік шоттарынан акцептсіз тәртіппен тікелей дебеттеу арқылы өндіріп алуға;

12) Банктің уәкілетті тұлғалары банктік кепілдікке қол қойғанға дейін Заемшы банктік кепілдікті шығару бойынша қызметтен бас тартқан жағдайда, банктік кепілдіктің күші мерзімінен бұрын жойылған және т.б. кезде, Келісімге/Банктің акцепті бар Заемшының өтінім-офертасына/Қосымша шартқа/банктік кепілдікке сәйкес бұрын төленген комиссиялық сыйақы сомаларын қайтаруды жүргізбеуге;

13) Егер Құрал банктік заем түрінде берілсе, Құралды беру күнінде бір жолғы комиссиялық сыйақы сомасын Заемшының тиісті банктік шотына есепке алынған заем сомасынан акцептсіз алып алуға;

14) заем мерзімінен бұрын өтелген жағдайда, есептелген және төленбеген сыйақыны, соның ішінде осындай өтеу жүргізу күніне есептелгенді және мерзімі шегерілгенді бірінші кезекте өтеуін талап етуге құқылы;

15) Банктің Келісімде, Қаржыландыру шарттарында, Қамтамасыз ету шарттарында және Қолданылатын құқықта көзделген өзге де **құқықтары бар.**

3. Банк:

1) келесі жағдайларды қоспағанда, біржақты тәртіпте Келісімді және (немесе) тиісті Қосымша Шартты бекіту күні белгіленген сыйақы мөлшерлемесін ұлғайтпауға:

Келісімде және (немесе) Қосымша Шартта көзделген жағдайларда Заемды алуға және оған қызмет көрсетуге байланысты сенімді ақпарат беру міндеттемесін Заемшы бұзған;

Қазақстан Республикасының Азаматтық кодексінде (Жалпы және Ерекше бөлімдер) көзделген жағдайларда және:

Банктің алдын ала жазбаша келісімінсіз заңды тұлға-Заемшының жиынтығында 10 (он) және одан көп пайыздағы акцияларын (қатысу үлесін) иеленетін қатысушыларының (акционерлерінің) құрамының өзгеру;

Заемшының және (немесе) кепіл берушінің кепіл ұстаушы болып табылатын Банктің кепілдік Қамтамасыз етуді құжаттар бойынша және нақты болуын, мөлшерін, жай-күйін және сақтау талаптарын тексеру құқығын бұзу, сонымен қатар үшінші тұлғалардың Заемшы және (немесе) кепіл беруші мүлкіне, оның ішінде Қамтамасыз ету ретінде кепілге берілген мүлікке талаптар қою жағдайларында, Банктің Келісім бойынша Заемшы міндеттемелерін мерзімінен бұрын орындауды талап ету құқығының туындауы.

Көрсетілген жағдайларда сыйақы мөлшерлемесі осы тармақта көрсетілген жағдай пайда болған күннен бастап ұлғаяды. Банк Заемшыға ұлғайтылған сыйақы мөлшерлемесін қолдану басталған күн туралы ұлғайтылған мөлшерлеме әрекет ете бастаған күннен бастап 3 (үш) Жұмыс күннің ішінде хабарлайды. Осы тармақта көрсетілген мәселелер бойынша келіспеушіліктер болуы (соның ішінде Заемшының Банктің атына қарсылықтарды жолдауы немесе оның тиісті талаппен сотқа жүгінуі) Банк осындай өзгерісті енгізген сәтінен бастап әрекет ететін, Банк ұлғайту жағына өзгерткен сыйақы мөлшерлемесі бойынша Келісім бойынша Банк пайдасына сыйақы төлеу туралы Заемшының міндеттемелерін тиісті түрде орындауына әсер етпейді.

2) егер Келісім және (немесе) Қамтамасыз ету туралы шарттың талаптарында Қамтамасыз ету болып табылатын мүліктің нарықтық құнын анықтау мақсатында бағалау жүргізуге және (немесе) сақтандыру Келісімдерін бекіту талаптары көзделсе, Заемшыны және кепіл берушіні сақтандыру ұйымының және (немесе) бағалаушыны таңдауда шектемеуге, сонымен қатар Заемшыға өз өмірі мен денсаулығын сақтандыру міндетін жүктемеуге;

3) 1 (бір) жылға дейінгі мерзімге берілген Құралды алған күннен бастап 6 (алты) ай өткенге дейін, 1 (бір) жылдан асатын мерзімге берілген Құралды алған күннен бастап 1 (бір) жыл өткенге дейін негізгі борышты толық мерзімінен бұрын немесе ішінара мерзімінен бұрын өтеу жағдайларын қоспағанда, Келісімнің 4-бабында көзделген тәртіпте және талаптарда Құралдар бойынша Берешекті мерзімінен бұрын өтегені үшін тұрақсыздық төлемдерін және өзге айыппұл санкцияларының басқа түрлерін ұстамауға;

4) егер негізгі борышты және сыйақыны өтеу күні мерекелік немесе демалыс күндерге түсіп, сыйақыны немесе негізгі борышты төлеу одан кейінгі жұмыс күні жүргізілсе, тұрақсыздық төлемдерін және өзге айыппұл санкцияларының басқа түрлерін ұстамауға;

5) Заемшы өтініші бойынша, Келісім және Қосымша Шарт бойынша берешекті өтеу ретінде шотқа түсіп отыратын ақша түсімін ажыратып-бөлу (негізгі борышқа, сыйақыға, комиссияға, тұрақсыздық айыбына және айыппұл санкцияларының өзге түрлеріне, сондай-ақ басқа да төленуге тиіс сомаларға ажырату) туралы ақпаратты, үш жұмыс күнінен аспайтын мерзім ішінде, жазбаша нысанда, айына бір реттен асырмай, ақысыз беруге;

6) Заемшының Келісім және Қосымша Шарт бойынша берілген ақшаны Банкке ішінара немесе толығымен мерзімнен бұрын қайтару туралы өтініші бойынша, негізгі борышқа, сыйақыға, комиссияға, тұрақсыздық айыбына және айыппұл санкцияларының өзге түрлеріне, сондай-ақ төленуі тиіс басқа сомаларға бөлініп, қайтарылуға тиіс ақша сомасының мөлшері туралы Заемшыны үш жұмыс күнінен аспайтын мерзім ішінде, ақысыз хабардар етуге;

Осы тармақтың 3) тармақшасының және осы тармақшаның бірінші абзацының ережелері

Қосымша шартты бекіткен күннен бастап күнтізбелік 14 (он төрт) күн өткеннен кейін негізгі борышты мерзімінен бұрын қайтару жағдайларына таралады және Банк заемды мерзімінен бұрын қайтаруға келіскен жағдайларда қолданылады.

7) Келісімде көзделген тәртіпте Келісім және (немесе) Қосымша шарт талаптарының жақсарту жағына қарай өзгергені туралы Заемшыға хабарлауға;

8) міндеттемені орындауды кешіктіру болған жағдайда, бірақ ол пайда болған күннен бастап күнтізбелік отыз күннен кешіктірмей, Заемшыға Келісімде көзделген тәсілмен және мерзімде мерзімі кешіктірілген берешектің мөлшерін көрсетет отырып, Қосымша Шарт бойынша төлемдер енгізу қажеттілігі туралы және Заемшының Келісім бойынша өз міндеттемелерін орындамау салдары туралы хабарлауға;

9) Заемшының жазбаша өтінішін Қазақстан Республикасының 2007 жылғы 12 қаңтардағы «Жеке және заңды тұлғалардың өтініштерін қарау тәртібі туралы» заңында белгіленген мерзімде қарауға және жазбаша жауап әзірлеуге;

10) біржақты тәртіппен:

Заемға қызмет көрсету бойынша Келісімді бекіту күніне белгіленген комиссиялар мен басқа төлемдер мөлшері мен есептеу тәртібін ұлғайту жағына қарай өзгертпеу;

Келісім шеңберінде комиссиялар мен басқа төлемдердің жаңа түрлерін енгізбеу;

11) мына жағдайлардан басқа жағдайда, Келісім шеңберінде жаңа Құралдар беруді біржақты тәртіппен тоқтатпау:

Қосылу шартының 4-бабы 6-тармағында көзделген;

Заемшы Келісім бойынша өз міндеттемелерін бұзған жағдайларда;

қаржылық есептіліктің халықаралық стандарттарына сәйкес келетін уәкілетті органның нормативтік құқықтық актісінің талаптарына және (немесе) Банктің ішкі Кредиттік саясатына сай Банк жүргізетін мониторинг нәтижелері бойынша анықталған Заемшының қаржылық жағдайы нашарлағанда;

Банктің Келісімді тиісті түрде орындауына әсер ететін Қазақстан Республикасы заңнамасының талаптары өзгертілгенде;

Заемшы Кредит желісін игеруді Лимит валютасынан өзге валютамен жүргізгенде Келісім бекітілген күні Банк белгілеген бағамға қатысты Операция жасалатын күні Банк белгілеген бағам айтарлықтай (25 %-дан астам) өзгертін болса;

12) Банктің Келісім және Қосымша шарт бойынша құқығы (талап етуі) үшінші тұлғаға өту талаптары қамтылған шарт (бұдан әрі – талап ету құқығын басқаға беру шарты) жасалған кезде:

талап ету құқығын басқаға беру шарты жасалғанға дейін құқықтардың (талап етулердің) үшінші тұлғаға өту мүмкіндігі туралы, сондай-ақ осындай басқаға беруге байланысты Заемшының дербес деректерінің өңделетіні туралы Келісімде көзделген не Қазақстан Республикасының заңнамасына қайшы келмейтін тәсілмен;

талап ету құқығын басқаға беру шарты жасалған күннен бастап күнтізбелік отыз күн ішінде Құралды өтеу жөніндегі бұдан былайғы төлемдердің үшінші тұлғаға (Келісім және кез келген Қосымша шарт бойынша құқық (талап ету) өткен тұлғаның атауы және тұрған жері) тағайындалатынын, берілген құқықтардың (талап етулердің) толық көлемін, сондай-ақ негізгі борыштың, сыйақының, комиссиялардың, тұрақсыздық айыбының (айыппұлдың, өсімпұлдың) мерзімі өткен және ағымдағы сомаларының және төленуге жататын басқа да сомалардың қалдықтарын көрсете отырып, құқықтың (талап етудің) үшінші тұлғаға өткені туралы Келісімде көзделген не Қазақстан Республикасының заңнамасына қайшы келмейтін тәсілмен Заемшыны (немесе оның уәкілетті өкілін) хабардар етуге **міндеттенеді**.

7-бап. Дауларды шешу тәртібі. Хабарламалар

1. Егер Келісім бойынша даулар мен келіспеушіліктер келіссөздер арқылы шешілмесе, олар Қазақстан Республикасының заңнамасын қолдана отырып Қазақстан Республикасының соттарында ерекше сотта қаралу жағдайларын қоспағанда, Банктің немесе Құрал берілген Банк филиалының орналасқан жерінде Банк қалауымен (келісімдік соттылық) шешіледі.

2. Банктен Заемшыға хабарламалар Банк мұндай хабарламаларды келесі тәсілдердің бірімен: курьерлік немесе почталық қызмет арқылы; электрондық почта арқылы; факс арқылы; ұялы және өзге телефон байланысы арқылы; тиісті ақпаратты Банктің

филиалдарында/бөлімшелерінде/www.halykbank.kz мекенжайы бойынша веб-сайтында орналастыру арқылы жіберген болса, тиісті түрде ресімделген болып саналады.

Хабарлама жіберудің растауы болып, атап айтқанда, факс есебі, почталық штамп, электрондық жөнелтудің көшірмесі, ұялы және өзге телефон байланысы операторының есебі табылады.

3. Заемшыдан Банкке хабарламалар Заемшы мұндай хабарламаларды: Банктің уәкілетті қызметкеріне алғаны туралы қол қойғызып, табыстау арқылы; курьерлік немесе почталық қызмет арқылы жіберген болса, тиісті түрде ресімделген болып саналады.

4. Банк хабарламалар жіберу үшін пайдаланатын Заемшы деректемелері, байланысу деректері өзгерген кезде Заемшы өзгерістер орын алған күннен бастап 5 (бес) жұмыс күні ішінде Банкке бұл туралы хабарлама жіберуі тиіс, егер Банк өзгерістер туралы ауызша айту жеткілікті деп анықтаса, Банк байланыс орталығының қызметіне қажетті ақпаратты хабарлауы керек.

5. Заемшы Банкті жазбаша хабарландырмаған, Заемшы байланыс деректерінің және (немесе) деректемелерінің өзгеруінен туындаған Банк хабарламасын Заемшының алмағанына немесе уақытында алмағанына Банк жауапты болмайды.

6. Заемшы алаяқтық, жіберілген ақпаратқа рұқсатсыз қол жеткізу, Заемшының хабарламаларды алмау немесе уақытында алмау, хабарламаларды беру немесе алу үшін пайдаланылатын құрал-жабдықтар жұмысындағы ақаулар және (немесе) жедел байланыс құралдарының жұмыс істеуіндегі іркілулерден туындаған Заемшы немесе Банк ақпаратты алғанға дейін оны жоғалту тәуекелдерін қоса алғанда, бірақ шектелмей хабарламаларды жіберу және (немесе) алу мақсаттары үшін жедел байланыс құралдарын пайдалануға байланысты тәуекелдерді Заемшы өзіне қабылдайды.

7. Егер Заемшы Банктің өз міндеттерін қасақана орындамауы немесе ұқыпсыздығы салдарынан зияндар туындағанын дәлелдесе, Банк Қосылу шартының осы бабы 5-тармағында көрсетілген жағдайларда Заемшының кез келген шығындары үшін жауап бермейді.

8-бап. Қорытынды ережелер

1. Банк, Банктің Интернет желісіндегі www.halykbank.kz веб-сайтында жарияланған күнінен бастап күшіне енетін Қосылу шартына өзгерістер мен толықтырулар енгізуге құқылы, егер өзгесі көзделмесе, олар баспасөзде жарияланған күннен бастап күшіне енеді және күшіне енгеннен кейін бекітілген Жеке Келісімдерге қолданылады.

Қосылу шартына енгізілген өзгерістер және толықтырулар күшіне енгенге дейін мұндай өзгерістер мен толықтырулар Банк пен заемшылардың арасында Жеке Келісімдерге қосымша келісімдер бекітілген жағдайда қолданылады.

2. Тараптар Қосылу шартының талаптарына өзгерістерді Жеке Келісімге қосымша келісім бекіту арқылы енгізе алады. Мұндай өзгерістер аталған нақты Жеке Келісімнен туындайтын Тараптардың қарым-қатынасына қолданылады.

3. Жеке Келісім Заемшы барлық Қосымша Шарттар бойынша Құрал сомасын мерзімінен бұрын толық өтеген күнінен бастап, және Заемшы тарапынан Банк алдында осы Қосылу шартында көзделген өзге орындалмаған міндеттемелері болмағанда, өз күшін мерзімінен бұрын жойған болып есептеледі.

4. Келісім шеңберінде бекітілген шарттардың барлығы және оның барлық Қосымшалары, егер олар жазбаша нысанда жасалып, Тараптардың қолы қойылған және мөрімен (Заемшы мөрді өз қалауымен қояды) расталған болса, оның ажыратылмас бөлігі болып табылады. Келісім, оның барлық Қосымшалары және Қамтамасыз ету туралы шарттар бірыңғай құқықтық құралды білдіреді және олардың әрқайсысы өзара бір-бірінің ажыратылмас бөліктері болып табылады.

5. Банк пен Заемшы арасында бекітілген (бекітілетін) басқа да келісімдерге (атап айтқанда, банктік шот шарттары және т.б.) қатысты алғанда, егер Тараптардың келісімімен өзгеше қарастырылмаса, даулы мәселелер бойынша Келісімге басымдық күш беріледі. Тараптар Үлгі Келісімге қол қойғаннан кейін мұның алдындағы талқылаулардың, уағдаластықтардың және ұсыныстардың барлығының, сондай-ақ сонымен қатар барлық хат алмасу заңдық күші жойылатындығымен және Келісім талаптарымен ауыстырылатындығымен келісті.

6. Қосылу шартында анықталмаған Келісім талаптары Жеке Келісімде белгіленеді. Қосылу шарты мен Жеке Келісім арасында қарама-қайшылықтар туындаған жағдайда, Жеке Келісімді

басшылыққа алу қажет. Қосылу шартында және Жеке Келісімде реттелмеген Келісім бойынша Тараптардың қарым-қатынасы Қазақстан Республикасының заңнамасында реттеледі.

7. Егер Келісімнің мәтіні бойынша басқасы көзделмеген болса, Келісімде және Қосымшаларда қолданылатын бас әріппен берілген терминдердің мәні келесідей болады:

Қосымша шарттар -	Келісімнің шеңберінде және орындау мақсатында, жекелеген Құралдарды алу талаптарын нақтылайтын (белгілейтін) Тараптар арасында бекітілетін шарттар (мәмілелер); Келісімге акцессорлық шарт; Заемшының Өтініші, Банктің жазбаша құжат түрінде акцептісі бар Заемшының өтінім-офертасы; Банктік тендерлік кепілдіктер ұсынылған жағдайда, Банк банктік тендерлік кепілдікті беру бойынша Банктің әрекеті, сондай-ақ Келісімге байланысты және Келісімге кез келген нысанда сілтемесі бар Тараптар (немесе Банк және үшінші тұлғалар) арасында бекітілетін шарттар, соның ішінде Қамтамасыз ету шарттары.
Құралдар немесе Қаржы құралдары -	банктік заем, банк кепілдігі, аккредитив, шартты міндеттемелер, банк кепілгерлігі, вексельдегі аваль, векселдерді есепке алу, лизинг, факторинг, форфейтинг, Қаржы құралдарының немесе кредит беру нысандарының өзге түрлері.
Лимит -	Қаржы құралдарының шекті сомасы.
Қолжетімді қаражат -	Келісім бойынша Қолжетімділік кезеңі шеңберінде пайдаланылмаған Лимиттің сомасы немесе оның бір бөлігі.
Берешек -	Заемшы өтемеген (қайтармаған), жасалған мәмілелер бойынша (бенефициардың талап етуімен Банктің үшінші тұлғалар пайдасына төлегеніне немесе төлемегеніне байланыссыз Банк берген кепілдіктер, аккредитивтер сомасын қоса) Заемшы алған Құралдың сомасы, сондай-ақ Келісім мен Қосымша шарттардың талаптары бойынша Банктің пайдасына төленуі тиіс басқа да сомалар (сыйақы, көтеріңкі сыйақы, тұрақсыздық айыбы, комиссиялық сыйақы және т.б.). Мәтін бойынша «Берешек» түсінігі жеке Қосымша шарт бойынша нақты берешек сомасын білдіруі мүмкін.
Кредит желісі -	Банктің Келісім бойынша банктік заемдар, аккредитивтер, банктік кепілдіктер, вексельге аваль жасау, вексель есебін жүргізу және кредит берудің басқа нысандарын немесе қандай да бір қаржы құралын беру нысанында Заемшы пайдасына, сондай-ақ үшінші тұлғалар пайдасына жасалатын Қосымша Шарттарға сәйкес бірнеше мәрте қаржыландыру.
Жаңғыртылуы -	Келісімде белгіленген, оның шеңберінде Құралдарды беру және өтеу жүргізілетін берешек лимиті. Бұл ретте Құралдардың өтелетін бөлігі берешек лимитінің бос бөлігін ұлғайтады.
Жаңғыртылмауы -	Құралдарды белгіленген лимит шегінде беруді білдіреді, бұл ретте Құралдардың өтелген бөлігі кредит берудің бос Лимитін ұлғайтпайды.
Қамтамасыз ету -	Қолданылатын құқықта, Келісімде, Қосымша шарттарда немесе өзге шарттарда (мәмілелерде), оның ішінде, бірақ онымен шектелмей, Банктің үшінші тұлғалармен бекіткен мәмілелерінде қарастырылған кепіл, кепілдік, кепілгерлік, мүлікті ұстап қалу, кепілақы және Міндеттемелердің орындалуын қамтамасыз етудің басқа тәсілдері.
Кепіл мәні	Заемшының Банкке заем сомасын қайтару, заем бойынша сыйақы, тұрақсыздық айыбын төлеу, Келісім бойынша Банктің шығындарын өтеу бойынша міндеттемелерін орындауын қамтамасыз ететін, сондай-ақ Заемшының Банктің алдындағы Келісімде және Қамтамасыз ету шарттарында көрсетілген өзге міндеттемелерін орындау үшін Кепіл беруші Банкке кепілге ұсынған жылжымалы және жылжымайтын мүлік.

Міндеттемелер -	Заемшының Қосымша шарт бойынша, Келісім бойынша міндеттері (міндеттемелері), оның ішінде Берешекті өтеу бойынша және Келісімге қол қойылатын күні болатын өзге міндеттемелері, сондай-ақ Заемшының Келісімді орындау шеңберінде Қосымша шарт бойынша пайда болатын міндеттемелері.
Операция -	Келісім бойынша белгіленген Лимит шеңберінде Құралды беру, Құралды жоспарға сәйкес /мерзімінен бұрын ішінара қайтару, Құралды толығымен қайтару.
Қолжетімділік Кезең -	Келісімге қол қойылған күннен кейінгі келесі күннен бастап, Келісімде анықталғандай, Қолжетімді кезеңнің соңғы күні аяқталатын, Заемшы Банктен Кредит желісін игеруді (қандай да бір Құралды алуды) талап ете алатын уақыт кезеңі.
Қолданылатын құқық -	Қазақстан Республикасының құқығы.
Көтеріңкі сыйақы -	Мына: мерзімі кешіктірілген берешек қалдығының сомасы (негізгі борыш және сыйақы) * мерзімі кешіктірілген күндер саны * айыппұл мөлшерлемесінің мөлшері/360 күн (жылда) - формула бойынша есептелген сома.
Жұмыс күні -	Қолданылатын құқыққа сәйкес жұмыс күні деп танылған, дүйсенбіден бастап жұма күнін қоса алғандағы және басқа кез келген күн (демалыс және ресми, оның ішінде Қолданылатын құқыққа сәйкес мерекелік, жұмыс күні емес күндерді қоспағанда).
Кредит желісінің мерзімі -	Заемшы Құралдарды алатын және егер Келісімде басқа өтеу (төлеу) мерзімі қарастырылмаған болса, Келісім бойынша кезеңнің соңғы күні Берешек Банкке өтелуі тиіс уақыт кезеңі.
Дербес деректер бойынша келісім -	Дербес деректер Субъектінің Дербес деректерін Банктің жинауына және өңдеуіне келісім.
Дербес деректер -	мәліметтер негізінде айқындалған немесе айқындалатын Дербес деректер Субъектісіне қатысты, электрондық, қағаз және (немесе) өзге де материалдық жеткізгіште тіркелген сол мәліметтер.
Дербес деректер Субъектілері -	Дербес деректер тиесілі жеке тұлғалар.
Көтеріңкі сыйақы сомасы -	Мына: мерзімі кешіктірілген берешек қалдығының сомасы (негізгі борыш және сыйақы) * мерзімі кешіктірілген күндер саны * айыппұл мөлшерлемесінің мөлшері/360 күн (жылда) - формула бойынша есептелген сома.
Ковенант -	Белгілі бір әрекетті орындауға немесе оны орындаудан бас тартуға Заемшының Келісім бойынша міндеттемесі.
Кредит айналымдары -	бұл белгілі бір кезеңде (күн, ай, тоқсан, жарты жыл, жыл) жүргізілген және ағымдағы шот бойынша үзінді көшірмеде көрсетілген, Заемшының Банктегі ағымдағы шотына барлық есептеулердің жиынтығы;
Транш -	Банктің қарауы бойынша: 1) Банктің акцептісі бар Заемшының өтінім-офертасы; 2) Заемшының жазбаша өтінімдері негізінде Қосымша шарт бекіту арқылы i) Заемшының жазбаша өтінімдері негізінде Қосымша шарт бекіткенде; ii) банктік кепілдіктер нысанында Келісім шеңберінде ұсынылатын Құралдар сомасының бір бөлігі.

9-бап. Тараптардың заңды мекенжайлары және деректемелері

Тараптардың заңды мекенжайлары, деректемелері және қолдары Жеке Келісімде көрсетіледі.»